



PRIJEDLOG

Na osnovu člana 18. Statuta Općine Maglaj („Službene novine Općine Maglaj“, broj: 8/07, 3/08 i 6/08) i Odluke o komunalnim taksama općine Maglaj („Službene novine Općine Maglaj“, broj: 1/21, 2/21 i 12/21), Općinsko vijeće Maglaj na sjednici održanoj dana _02.2022. godine, *donosi*

ODLUKU

o privremenoj izmjeni i dopuni Odluke o komunalnim taksama općine Maglaj

Član 1.

U Odluci o komunalnim taksama općine Maglaj („Službene novine Općine Maglaj“, broj: 1/21, 2/21 i 12/21), u članu 10. privremeno se mijenja stav 1., samo za 2022. godinu, i isti glasi:

“Prijavu za razrez komunalne takse porezni obveznik je dužan podnijeti Poreznoj ispostavi Maglaj do 31. marta 2022. godine, prema stanju na dan 01. januar tekuće godine, za koju se razrez vrši, odnosno u roku od 15 dana od datuma izdavanja rješenja o registraciji, ako je porezni obveznik registrovao djelatnosti u toku poslovne godine, sa posljednjim završnim obračunom za 2021. godinu ovjerenim kod Finansijsko-informatičke agencije (FIA) Federacije BiH”.

Član 2.

U Odluci o komunalnim taksama općine Maglaj („Službene novine Općine Maglaj“, broj: 1/21, 2/21 i 12/21), u članu 17. u Tarifnom broju 1. - dio „II – Pravna lica“, samo za 2022. godinu, mijenja se i glasi:

“Za svaku istaknutu firmu, oznaku, obilježje ili natpis na poslovnim prostorijama i objektima, kojima se označava da određeno pravno lice obavlja izvjesnu privrednu djelatnost ili zanimanje, odnosno postavljeni uređaji za pružanje usluga mobilne telefonije i elektroenergetskih objekata kojim se vrši prenos električne energije (trafostanice), obračunava se i plaća se godišnja taksa množenjem jedinstvene osnovice komunalne takse na istaknutu firmu sa koeficijentom položajne pogodnosti i koeficijentom veličine pravnog lica u smislu kriterija o razvrstavanju pravnih lica na osnovu člana 5. Zakona o računovodstvu i reviziji u Federaciji Bosne i Hercegovine („Službene novine Federacije BiH“, broj: 15/21), kako slijedi:

R/B	KOEFIČIJENT VELIČINE PRAVNOG LICA	KOEFIČIJENT POLOŽAJNE POGODNOSTI PO ZONAMA					
		I	II	III	IV	V	VI
1	MIKRO I MALA PRAVNA LICA KV = 2	1,35	1,30	1,25	1,20	1,10	1,00
2	SREDNJA PRAVNA LICA KV = 8	1,35	1,30	1,25	1,20	1,10	1,00
3	VELIKA PRAVNA LICA KV =12	1,35	1,30	1,25	1,20	1,10	1,00

Član 3.

Ova Odluka stupa na snagu danom donošenja i ima se objaviti u “Službenim novinama Općine Maglaj”.

Broj:
Datum:

PREDSJEDAVALA

O b r a z l o ž e n j e

Zbog potrebe implementacije Odluke o izmjeni i dopuni Odluke o komunalnim taksama općine Maglaj („Službene novine Općine Maglaj“, broj: 12/21) u sistem Porezne uprave Federacije Bosne i Hercegovine, Kantonalni porezni ured Zenica - Porezna ispostava Maglaj predlaže da se u članu 10. Odluke produži rok za poreznu prijavu od 31. januara, na krajnji rok do 31. marta i to samo za tekuću 2022. godinu.

Iz tog razloga Općina Maglaj predlaže Općinskom vijeću Maglaj da donese Odluku o privremenoj izmjeni i dopuni Odluke o komunalnim taksama općine Maglaj („Službene novine Općine Maglaj“, broj: 1/21, 2/21 i 12/21), u članu 10. stav 1. i člana 17. u Tarifnom broju 1. - dio „II – Pravna lica“ privremeno se mijenja, samo za 2022. godinu.

Obradivači:

1. Dženana Hadžiedhemović
2. Ferhat Bradarić

Predlagač Načelnik općine
Marsad Mahmutagić



Redni broj	Naziv pravnog lica	Kategorije pravnih lica			
		I	II	III	IV
1	Pravna lica	1,23	1,23	1,23	1,23
2	Pravna lica	1,23	1,23	1,23	1,23
3	Pravna lica	1,23	1,23	1,23	1,23